



# asr

## IJTIMOIY-SIYOSIY GAZETA

Gazeta 2004-yil 1-yanvardan chop etila boshlangan

25-may 2023-yil 21 (1019)

www.21asr.uz

@XXlasr\_yangiliklari

XXlasrgazetasi

xxi\_asr@mail.ru

asr\_xabarлари\_news

# ШАҲАР-ДАВЛАТНИНГ КАМТАРИН РАҲБАРИ

### Лекин унинг Сингапур тараққиёти ва сингапурликлар фаровонлиги учун қилаётган ишлари бутун дунё миқёсида энг юқори даражада баҳоланади

Табий ресурсларга эга бўлмаган, худуди Тошкент шаҳридан икки бараваргина катталиқдаги мўъжаз мамлакатнинг "Осиё йўлбарси" мақомига кўтарилиши ислохотлар йўлининг тўғри танлангани билан бевосита боғлиқ. Бугунги Сингапурнинг нафақат Осиё, балки Тинч океани минтақасининг иқтисодий марказига айланишида етакчиларнинг хизмати катта, албатта. Ўзбекистонга расмий ташриф билан келган Ҳалима Якуб хоним ҳам сўз ва иш бирлиги юзасидан маҳорат дарси берадиган лидерлардан саналади.



У қайси лавозим, қандай мансабда ишлагани, ўз мақсади, олдига қўйилган талаб ва вазифани сидқидилдан бажаришга уринади. Ва ақсарият ҳолларда бунинг уда-сидан чиқади. Бугунги кунда дунёга машҳур давлат ва сиёсат арбоблари орасида хотин-қизлар талай. Аммо ортиқча таърифга муҳтож бўлмаган Ҳалима Якуб қатор ибратли фаилатлари билан бошқалардан ажралиб туради. "Ким Сингапур ривожини мен билан шерик бўлса, мен унинг Аллоҳ йўлидаги сингли-симан", деб баралла айтиш ҳамма сиёсатчининг ҳам қўлидан келавермайди.

Сингапур раҳбарининг Ўзбекистонга илк ташрифи билан боғлиқ тарихий воқеанинг тамал тоши аслида жорий йилнинг январь ойида Президентимиз Шавкат Мирзиёев томонидан қўйилган эди. Ушунда давлат ташрифи билан Сингапур Республикасига борган давлатимиз раҳбари Ҳалима Якубни ўзига қўлай пайтда Ўзбекистонга келишга давват этганди. Ана шу тақдир бажонидил қабул қилинган тўғри Ҳалимахо-ним ўтмиши бой ва келажаги буюк юртимизга қадам ранжиди қилди.

Қисқа муддатда тараққиётга эришган давлатлар ҳақида гап кетса, ҳар доим биринчилар қатори Сингапур тилга олинади. Энг муҳими, бу ривожланиш тарихи тасодифий эмас, балки қатор омиллар натижа-сидир. Қолоқликдан равнақ чўққисига етиш учун сингапурликларга чорак асп кифоя қилди. Эндилиқда улар ялпи ички маҳсулотни аҳоли жон бошига ҳисоблаганда энг бойлар сирасига қиради. Шундай бўлса-да, ҳаммиша "Тежаган терга тушмас" мақолига амал қилишади.

Ўзбекистоннинг Сингапур билан барча соҳаларда ҳамкорликдаги алоқаларни яхшилашга жиддий киради, унинг иқтисодий ривожланиш йўлини таҳлилий ўрганётгани беҳиз эмас. Чунки биз ҳам олис келажакда эмас, юртбошимиз таъбири билан айтганда, бугун яхши яшашни олдимизга улкан мақсад қилиб қўйганмиз. Жадал саъй-ҳаракатларимиз муваффақиятида Сингапур тажрибаси кўмакка келиши ҳеч кимга сир эмас.

Президентимиз Шавкат Мирзиёев йил бошида Сингапурга давлат ташрифи чоғида икки томонлама ҳамкорликнинг олти устувор йўналишини белгилаб берган эди. Ҳалима Якуб ана шу ташаббусларни қўллаб-қувватлади, мамлакатимиз раҳбарининг халқларварлигини эътироф этди.

Ли Куан Ю номидаги Сингапур давлат сиёсати мактаби ва Фуқаролик хизмати коллежи илм оламида ўта нуфузли муассасалар сирасига қиради. Шавкат Мирзиёев ана шу таълим даргоҳлари фаолияти билан яқиндан танишган ва айна йўналишда ҳамкорликни кенгайтириш ташаббусини илгари сурганди. Ҳалима хоним Тошкентга ташрифининг иккинчи кунини Ўзбекистон Республикаси Президенти ҳузуридида Давлат бошқаруви академияси фаолиятига катта қизиқиш билдириши ана шу ташаббус амалиётга кўчаётганидан дарак бўлди.

Шавкат Мирзиёев қаерда бўлмасин ва кун тартиби қанчалик тигиз тузилмасин, тадбиркорлар билан бевосита учрашишга албатта вақт ажратади. Лидерлар иш тутушининг ўхшашигини қарангки, Ҳалима Якубнинг ташрифи муносабати билан Сингапур бизнес делегацияси ҳам Тошкентга келди. Ўзбекистон-Сингапур бизнес-форуми самимий мулоқот, диққатга сазовор жиҳати, ҳар икки мамлакат ишбилармонларига наф келтирадиган тарзда ташкил этилди. Юксак мартабали меҳмон бу учрашувдан ниҳоятда мамнун бўлганини қайд этди. Умумий режалаштириш, логистика, рақамли алоқа, таълим ва салохатни ошириш каби турли соҳаларда Сингапурнинг бир қатор компаниялари Ўзбекистонда фаолиятини кенгайтиришининг долзарб аҳамияти ҳақида сўз юритди. Ўзбекистонни Сингапурда ўзининг тарихий осори атиқаларини намойиш этишга қақирди. Бу сингапурликларни ҳам, Сингапурга келадиган сайёҳларни ҳам қизиқтиради.

– Мен бир мусулмон сифатида шахсан Самарқанддаги Имом ал-Бухорий мақбарасини зиёрат қилишни ва уни таъмирлаш лойиҳаси билан танишишни интиқлик билан кутаётirman, – деди Ҳалима Якуб журналистлар билан суҳбатда. – Имом ал-Бухорий машҳур аломо ва муқаддас Қуръонни каримдан кейин турадиган Исломулоҳиёти ва амалиётининг муҳим манбаи – Пайғамбаримиз ҳадисларини жамлаган буюк муҳаддис-дир. Ҳадислар динлар ўртасидаги мулоқотни рағбатлантиришининг муҳим воситаси бўлиб хизмат қилиши мумкин, чунки уларда бошқа динларга нисбатан бағрикенгликнинг муҳимлиги таъкидланган. Уларда, шунингдек, бошқа динларга мансуб халқларга оқунгиллик ва ҳурмат билан муносабатда бўлишга катта эътибор берилган, диний турфа хилликка аҳамият қаратилган.

Сингапур Президенти Тошкентга "Ўзбекистон ҳаво йўллари" миллий авиакомпаниясининг йўналиши самолётида келганига эътибор қаратмаган одам қолмади ҳисоб. Сингапур етакчисининг Остонага ташрифидан эълон қилинган суратларда ҳам унинг шахсий самолёти кўринмайди. Гап шундаки, Ҳалима Якуб Қозоғистонга ўзининг бошқа хорижий сафарларида бўлгани сингари тижорий рейс билан келган.

Умуман олганда, Сингапур Президентидан ташқари мамлакатнинг бошқа юқори мансабдорлари, жумладан, Бош вазир ҳамда ҳукумат вакиллари ҳам тижорий рейсларда парвоз қилади. Бунда асосан Singapore Airlines авиакомпаниясининг ёки бориладиган манзилга қараб бошқа авиакомпаниялар рейсларига ишонч билдирилади. Бундан ташқари, эҳтиёж туғилганда Сингапур ҳаво кучларининг махсус жиҳозланган Airbus A330 MRTT ва Fokker 50 самолётларидан ҳам фойдаланилиши мумкин.

Сингапур иқтисодий жиҳатдан дунёнинг энг бой давлатларидан бири ҳисобланса ҳам, камчилик сафар қилишни маъқул кўрадиган Ҳалима Якуб май ойининг бошида Буюк Британияга ташриф буюрганида ҳам алоҳида самолётда учмаган. Модомки, мамлакат ялпи ички маҳсулотига 447 миллиард долларни ташкил этади. Аҳоли жон бошига даромад микдори 91,1 минг долларга тўғри келади.

Озод РАҲАБОВ,  
шарҳловчи

# ЖАҲОН ҲАМЖАМИЯТИ ЭЪТИБОРИ ЯНА ЎЗБЕКИСТОНГА ҚАРАТИЛДИ

Демократик тамойилларга таяниб, жадал ривожланиши мақсад қилган мамлакатга шундай муносабат билдирилиши, қисқа муддатда эришган ютуқлари кенг миқёсда таҳлил қилиниши, ислохотлар муваффақиятининг омиллари тадқиқотчилар учун долзарб мавзуга айланиши табиий, албатта.



Ақтам ХАЙТОВ,  
O'zLiDeP Сиёсий Кенгаши  
Ижроия қўмитаси раиси

Яна эътибор кучайганининг боиси ҳаммамизга аён, деб уйлайман. Яқиндагина юртимизда бўлиб ўтган умум-халқ референдуми ҳам ташкилий жиҳатдан, ҳам шаффоф сиёсий тадбир нуқтаи назаридан халқаро экспертлар диққатини тортгани беҳиз эмас. Лекин муддатидан илгари сайлов эълон қилинишини, Президентимиз уч ярим йиллик қонуний ваколатидан ўз ташаббуси билан воз кечишини ҳеч ким кутмаганди, назаримда.

Аслида бу ҳам демократиянинг ёрқин намоиши. Конституция 65 фоизга янгилаб кучга киргандан кейин давлат бошлиғи сайловини қайта ўтказиш адолатли қарордир. Бироқ ҳамма ҳам бунга журъат қила олмайди. Фақат халқи мандат беришига қатъий ишонган кучли лидерларгина

шундай қадам қўя олади. Инсон қадрини юксалтириш учун толмайдиган етакчилигина ҳаловатидан кечиб ҳаракат қила олади.

Хуллас, олдимизда ғоят масъулятли, кўп-миллатли халқимиз ва мамлакатимиз тақдирига дахлдор бўлган улкан сиёсий жараён турибди. 9 июль кунини бўлиб ўтадиган муддатидан илгари президентлик сайловига тайёргарлик кўриш Тадбиркорлар ва ишбилармонлар ҳаракати – Ўзбекистон Либерал-демократик партиясининг ҳар бир аъзоси учун машаққатли меҳнат палласидир. Салкам йигирма йил давомида мамлакатимизда ислохотларнинг фаол иштирокчиси бўлиб келадиган O'zLiDeP етакчилиги мақомини қўлдан бермаслик учун навбатдаги курашга киришади. Бунда партияимиз 14 мингдан зиёд бошланғич ташкилотлари орқали ўз сафларида салкам бир миллион уч юз минг аъзони бирлаштиргани мустаҳкам таянч вазифасини ўтайди, деб ишонаман.

Давоми 2-саҳифада. ►►

САЙЛОВ – 2023



# СИЁСИЙ КУЧНИНГ ТАЯНЧ НУҚТАСИ

ОДАТДА ПАРТИЯЛАРНИНГ БОШЛАНГИЧ ТАШКИЛОТЛАРИГА ХАЛҚАРО МАЙДОНДА ШУНДАЙ ТАЪРИФ БЕРИШАДИ. БУНИНГ ЎЗИГА ХОС САБАБ ВА АСОСЛАРИ БОР, АЛБАТТА

Масалан, сайловлар масаласини олайлик. Номзод кўрсатиш ҳуқуқига эга бўлган партия съездида дастлабки тайёргарлик айнан қуйи бўғиндан бошланади. Туман (шаҳар) ва вилоятлар конференцияларига делегатлар БИТ аъзолари орасидан сайланади. Худудий конференцияларда съезд делегатларига мандат берилади. Шу тариқа қуйидан юқорига тизими босқич-ма-босқич амалга оширилади.

Бир сўз билан айтганда, партия фаолиятининг негизи бошланғич ташкилотларга, улар таркибидаги қўллаб аъзоларга бориб тақалади. Айни кунларда БИТларнинг жойларда бўлиб ўтаётган умумий йиғилишлари ҳам фикримиз далили.

Давоми 2-саҳифада. ►►

## ХАЛҚЧИЛ ИСЛОХОТЛАР ХАЛҚҚА ХИЗМАТ ҚИЛАДИ



3с.

## БИРДАМЛИК, ХАЙРИХОҲЛИК ИФОДАСИ



4с.

## "XXI ASR"ДА ТОБЛАНАЁТГАН ТАЛАБАЛАР



6с.



## ЖАҲОН ҲАМЖАМИЯТИ ЭЪТИБОРИ ЯНА ЎЗБЕКИСТОНГА ҚАРАТИЛДИ

◀◀ Бошланиши 1-саҳифада.

Ўз фаолиятининг дастлабки йилларида O'zLiDeP тadbиркорлар, ишбилармон ва фермерларнинг ҳақ-ҳуқуқлари ифодачиси сифатида майдонга чиққан бўлсак, эндиликда жамиятимизнинг барча фаол қатламларини фаровонлик ва тараққиёт мақсадларига бирлаштирувчи мустақам сиёсий куч сифатида шаклланди. Бошқача айтганда, либераллар жамият ҳаётига дахлдор муҳим қарорлар қабул қилиш ва ташаббусларни амалга оширишда ҳам етакчидир.

Модомики, биз Конституциявий ҳуқуқимиздан фойдаланиб, мударидан илгари бўлиб ўтадиган президентлик сайловида ҳам муносиб номзод билан иштирок этамиз. Сайлов кодекси ва уставимизга мувофиқ партияимизнинг президент сайловида иштирок этадиган номзодини юқори органимиз – съезд тасдиқлаб беради.

Юртимиз ҳаётининг барча жабҳаларида: у ижтимоий-сиёсий, маданий-маърифий соҳа бўладини, қишлоқ хўжалиги ёки саноат тармоқлари бўлади, жадал суръатлар билан ўсиши таъминланаётганини халқимиз ва дунё аҳли эътироф этмоқда. Шундай марраларга эришимизда Шавкат Мирзиёевнинг мислсиз хизмати, бетакорор меҳнати борлигини ҳар қанча таъкидласак-да кам. Шундан келиб чиқиб, ўзининг бутун ҳаёти ва меҳнат фаолиятини Ватанимиз тараққиёти ва фаровонлигини таъминлашга бағишлаган, кўп йиллардан бери халқимизнинг юксак ишончи ва меҳр-муҳаббатини қозонган инсон номзодини илгари суришни энг тўғри қарор деб ҳисоблаймиз!

O'zLiDeP номзоди Янги Ўзбекистондаги инновацион ислохотлар муаллифи экани баробарида уларни дадил давом эттиришга қодир, талабчан ва ватанпарвар, жуда катта тажриба ва улкан сиёсий салоҳиятга эга раҳбардир.

Сайловолди дастуриимиздаги энг муҳим йўналишлар 2022–2026 йилларда Ўзбекистон Республикасини ривожлантиришнинг етти устувор йўналиши бўйича Тараққиёт стратегияси асосида муваффақиятли амалга ошириб келинмоқда. Янги Ўзбекистон стратегиясига мувофиқ ҳар бир соҳада давлат ва жамият қурилиши, суд-ҳуқуқ тизимини такомиллаштириш, маъмурий ислохотларни амалга ошириш, иқтисодий эркинлаштириш, қулай ишбилармонлик ва инвестициявий муҳитни шакллантириш, ўзаро манфаатли ташқи сиёсатни амалга ошириш бўйича тизимли чоралар кўрилди. Бундай кенг қўламадаги тарихий ислохотларни амалга ошириш ва халқимизни рози қилишдек машаққатли ва шарафли вазифаларни адо этишда шахсан Шавкат Мирзиёев бош-қош бўлиб келмоқда.

“Инсон қадри учун!” тамойили асосидаги ислохотлар натижа-сида аҳолининг бандлиги ошаётти, соғлиқни сақлаш, таълим соҳалари ислохот қилинди, аёлларга муносабат, ёшларга эътибор тубдан ўзгарди. Пухта ўйланган ижтимоий сиёсат натижасида ёшлар ва хотин-қизларни иш билан таъминлаш, уларнинг даромадини ошириш борасида “учта дафтар”, ижтимоий реестр тизими йўлга қўйилиб, салмоқли натижаларга эришилди. Натижада охириги олти йилда юртимизда камбағаллик даражаси қарийб икки баробарга қисқарганини алоҳида эътироф этамиз.

Бир сўз билан айтганда, амалий натижа билан мустақамланган, ўз меваси, ҳосилини бераётган ислохот одамларнинг қалбига, юрагига тез кириб бормоқда. Ўтган йиллар партияимизнинг электорати бўлган тadbиркор, фермерлар учун ҳам мисли кўрилмаган ўзгаришлар даври бўлди. Тadbиркор йўлига тўсиқ бўлиш давлат сиёсатига хиёнат деб қабул қилинди. Ассосиз текширувларга чек қўйилди, экспортёрлар рағбатлантирилди, ишбилармонлик ташаббуслари тўлиқ қўллаб-қувватланди. Натижада охириги олти йилда тadbиркорлар сони олти баробарга кўпайиб, улар сони икки миллиондан ошгани бунинг яққол исботидир.

Давлатимиз раҳбари ташаббуси билан амалга оширилаётган ислохотлар туфайли сармоядорлар учун ҳам қулай иқтисодий муҳит яратилди, киритилган хорижий сармояларнинг йиллик ҳажми охириги олти йилда уч баробар кўпайиб, ўтган йилги кўрсаткич ўн миллиард АҚШ долларига етди.

Аҳоли ва тadbиркорларнинг тўғридан-тўғри давлат ва ҳукумат раҳбарига муносабат қилиши, ҳукумат вакиллари, сектор раҳбарларининг маҳаллабай, хонадонбай юриши натижасида аҳоли ва тadbиркорларнинг аксарият муаммолари жойида ечим топаётганини ҳам алоҳида тилга олиш лозим.

Президентимиз Олий Мажлис ва халқимизга йўллаган аънавий мурожаатимизда “Юрдошларимиз орасида юз минглаб мулкдорлар, акциядорлар пайдо бўлсин”, дея кўнглидаги эзгу ниятларидан бирини изҳор қилган эди. Шундай ҳам бўляпти. Ўтган бир йил давомида тadbиркорлар томонидан 55 мингдан ортиқ бизнес учун бинолар қурилган. Тушумлари 1 миллион доллардан ошган тadbиркорлик субъектлари сони 5 мингтага кўпайиб, 26 мингтага етган.

Жорий йилда бошланган “Янги Ўзбекистон – рақобатбардор маҳсулотлар юрти” дастурига мувофиқ шу йилда Ўзбекистонимиздан 2 минг нафар тadbиркор илк бор ташқи бозорларга қадам қўйганининг ўзи катта натижа.

Ўтаётган етти йил мамлакатимизни нафақат ички, балки ташқи сиёсатини ҳам тубдан ўзгартирган, жаҳонга Янги Ўзбекистонни кашф қилган давр бўлди, десак тўғрироқ бўлади. Марказий Осиёдаги яқин қўшни давлатлар билан муносабатларда амалга оширилган тарихий ўзгаришлар асрлар давомида ёнма-ён яшаб келган қардош халқларнинг дуосига сабаб бўлди, деб бемалол айтиш мумкин. Кенгроқ маънода эса Марказий Осиё минтақасини тинчлик ва барқарорлик масканига айлантириш борасида Ўзбекистон Президенти амалга оширган саъй-ҳаракатларни бутун дунё тан олаётгани ҳам сир эмас. Ташқи савдо ва рақобат муҳитини янги босқичга олиб чиқиш, янги-янги бозорларга кириш мақсадида Жаҳон савдо ташкилотига қўшилиш борасидаги ишларни янада жадаллаштириш партияимиз дастурига ҳамоҳангдир.

Давлатимиз раҳбари шу йил 8 май куни бўлиб ўтган учрашувда аҳолига муносив турмуш шароитларини яратиб борасида улкан вазифаларга эътибор қаратди. Хусусан, ялпи ички маҳсулот ҳажмини ҳозирги кўрсаткичга нисбатан икки баробар ошириш, хусусий секторни қўллаб-қувватлаш, солиқ маъмуричилигини янада содда-лаштириш, давлатнинг иқтисодийётадга иштирокини камайтириш, қишлоқ, сув хўжалиги, саноат, энергетика, транспорт, қурилиш соҳаларига катта-катта инвестициялар жалб қилиниши борасидаги ишларни жадаллаштириш вазифалари, таъкидлаш керакки, бевосита партияимизнинг сайловолди дастурига ҳам тўла мос келади.

Хулоса ўрнида қайд этиш жоизки, Янги Ўзбекистондаги ҳаётини ислохотларни жадал суръатда давом эттири оладиган, халқимизни ҳаётдан рози қилиш учун бор куч-ғайратини ишга солишга қодир бўлган улкан салоҳиятли раҳбар, халқимизнинг чексиз меҳр-муҳаббатини, муносиб ишончини қозона олган Шавкат Миромонов Мирзиёев номзодини мударидан олдин ўтказилаётган президентлик сайловида илгари суриш ташаббусини ваколатли орган – партия съездида тасдиқлаш энг тўғри йўлдир.

# СИЁСИЙ КУЧНИНГ ТАЯНЧ НУҚТАСИ

◀◀ Бошланиши 1-саҳифада.

## ОРОЛБЎЙИ МИНТАҚАСИДА ҲАМ ДЕЛЕГАТЛАР САЙЛАНДИ

O'zLiDeP Нукус шаҳар кенгаши томонидан Бердақ номидаги Қорақалпоқ давлат университети қошидаги бошланғич партия ташкилотининг умумий йиғилиши ўтказилди. Унда Тadbиркорлар ва ишбилармонлар ҳаракати – Ўзбекистон Либерал-демократик партияси бошланғич партия ташкилотининг Ўзбекистон Республикаси Президенти сайловида фаол иштирокини таъминлаш бўйича белгиланган вазифалар ва O'zLiDeP Нукус шаҳар партия ташкилотининг навбатдаги конференциясига делегат сайлаш тўғрисидаги масалалар кўриб чиқилди ва тегишли қарорлар қабул қилинди.



Йиғилишда сўзга чиққанлар кейинги йилларда мамлакатимизда барча соҳаларда туб ислохотлар амалга оширилаётганини таъкидладилар. Жумладан, профессор Мурат Жуманов жорий йилнинг 12 май куни Тошкент шаҳрида O'zLiDeP Сиёсий Кенгашининг XIV мажлисида муҳокама қилинган масалаларга тўхталиб ўтди. Унда олдимизда фоят масъулиятли – кўп миллатли халқимиз ва мамлакатимиз тақдирига бевосита дахлдор бўлган катта сиёсий масала турганига урғу берилди. O'zLiDeP қарийб 20 йилки, юртимизда барча соҳалар бўйича амалга оширилаётган ислохотларнинг фаол иштирокчиси бўлиб келмоқда. Ҳозирги кунда партиянинг Қорақалпоғистон Республикаси кенгашида 86 мингдан зиёд маслақдошимиз 1 060 та қўйи бўғинга бириктирилган бўлса, шундан Нукус шаҳридаги сафдошларимиз сони 12 мингдан зиёдини ташкил этиб, улар 83 та БПТга бириктирилган ҳолда фаолият олиб бормоқда.

Мулоқот давомида мамлакатимизда кейинги 6-7 йил орасида барча соҳаларда рўй бераётган улкан ўзгаришлар, ислохотлар хусусида сўз юритилди. Шунингдек, тadbирда Нукус шаҳар кенгаши конференциясига иштирок этадиган муносиб делегатлар ҳам сайланди.

**O'zLiDeP Қорақалпоғистон Республикаси  
кенгаши матбуот хизмати**

## УЮШГАН ЭЛ ЎЗАДИ

Моҳир тadbиркор, “Ғижувон машхураси” хусусий корхонаси раҳбари, Халқ депутатлари туман кенгаши депутати Замира Сафарова корхонадаги O'zLiDeP қўйи бўғинига 30 дан зиёд маслақдошни тўплаган. Ҳудуддаги бирор-бир тadbир улар иштирокисиз ўтмайди. Мударидан илгари ўтказилайдиган президент сайлови ҳам бундан мустасно эмас.

Корхонада бўлиб ўтган БПТ умумий йиғилишида партия туман кенгашининг биринчи ўринбосари – аппарат раҳбари Ғолиб Пўлатов сўз олиб, халқаро тажрибада ўзини тўла оқлаган мударидан илгари бўлиб ўтадиган президент сайловининг Ватанимиз ва халқимиз ҳаётида тутган ўрни, нуфузи хусусида ўз фикр-мулоҳазаларини баён этди.



Йиғилишда таъкидланганидек, сайловолди тарғибот-ташвиқот ишларини ҳар томонлама кучайтириш, маҳаллий кенгаш депутатлари ва партия масъуллари билан бирга белгиланган чора-тadbирлар режасини ўз вақтида амалга ошириш талаб этилади.

Бошланғич партия ташкилоти йиғилиши қарорига биноан корхона раҳбари, БПТ етакчиси З. Сафарова конференцияга делегат этиб сайланди. O'zLiDeP Бухоро вилояти ташкилоти ҳисобида бугунги кунда 73 228 нафар маслақдошни ўз атрофига бирлаштирган 853 та БПТ бўлиб, сайловолди тadbирлари ушбу қўйи бўғинларда ҳам изчиллик билан ўтказиб келинмоқда. Шу кунларда партия вилоят кенгашининг тегишли қарорига мувофиқ БПТларнинг умумий йиғилишлари бўлиб ўтмоқда. Кун тартибидидаги асосий масала – партия қўйи бўғинларидан O'zLiDeP туман (шаҳар) партия ташкилотларининг тегишли конференцияларига делегатларни сайлаш бўйича муҳим қарорлар қабул қилинапти.

Ўзбекистон “Тadbиркор аёл” ишбилармон аёллар ассоциацияси вилоят бўлими ҳузуридаги бошланғич партия ташкилотининг умумий йиғилишида эса O'zLiDeP Бухоро шаҳар ташкилоти конференциясига ушбу БПТ аъзоси Гулчехра Авезова делегат этиб сайланди.

**Асхор ИСТАМОВ,  
“XXI asr” мухбири**

## НУРАФШОНДА ЖОНЛИ МУЛОҚОТ

Тобора янгиланаётган Тошкент вилоятининг маркази Нурафшон шаҳрида ҳам қўйи бўғинларнинг умумий йиғилишлари қизғин давом этмоқда. O'zLiDePнинг таянч тузилмаларида ўтказилаётган тadbирларда партия маҳаллий кенгашларининг навбатдаги конференцияларига делегатлар сайланмоқда. Нурафшоннинг сўлим гўшалардан бири “Нуронийлар маскани”да партия шаҳар кенгаши ҳузуридаги БПТнинг умумий йиғилиши мавзуси ҳам айни мазмунда ўтди.

Унда партия Тошкент вилоят ҳамда Нурафшон шаҳар кенгаши вакиллари, фахрийлар кенгаши аъзолари, партия фаоллари ҳамда нуронийлар иштирок этишди.

Йиғилишда сўз олган O'zLiDeP Нурафшон шаҳар кенгаши қошидаги Фахрийлар кенгаши раиси Ўктам Хайдаров бугун юртимизда кечаётган ижтимоий-иқтисодий, сиёсий жараёнлар, аҳоли турмуш шароитини яхшилаш йўлида олиб борилаётган самарали ислохотлар ҳақида фикр юритди. Сайловларнинг мамлакат ижтимоий, сиёсий ҳаёти ва барқарор ривожига муҳим ўрин тутиши ҳақида сўзларкан, юрт тақдирини ҳал этувчи мазкур муҳим паллада бефарқ бўлмастик лозимлигига тўхтади.



“Нуронийлар маскани”да ташкил этилган БПТда жипслаган меҳнат фахрийлари ҳам бугун партиянинг ҳаётбахш ғоя ва мақсадларини рўёбга чиқариш йўлида камарбаста бўлиб келишаётганини алқайди.

Яқиндагина янгиланган Конституцияда кекса авлод вакилларига берилган имконият ва эътибор ўзи каби фахрийларни янада руҳлантириб юборганини эътироф этди.

Нихоят йиғилиш иштирокчилари тавсиясига кўра, партия Нурафшон шаҳар кенгашининг булажак конференциясига БПТ фаоли Солижон Тожиев бир овоздан делегатликка сайланди.

**Зухро МИРЗОҲАМДАМОВА,  
O'zLiDeP Тошкент вилоят кенгаши бўлим мудир**

## ЕТАКЧИЛИК МАҚОМ ЭМАС, МАСЪУЛИЯТДИР

O'zLiDeP Муборак туман кенгашининг навбатдан ташқари конференцияси бўлиб ўтди. Анжуманда партия фаоллари, депутатлар, қўйи бўғинларнинг умумий йиғилишларида сайланган делегатлар иштирок этишди.

– Халқимиз яна бир катта сиёсий имтиҳон арафасида турибди, – деди туман кенгаши раиси, депутат Панжи Жалилов. – Муболага эмаски, партияимиз бу жараёнда яхшигина тажриба тўплаган. Яна бир асосий мезон бор, у ҳам бўлса етакчи деган мақом ҳам бежиз берилмаган. Биз мамлакатда амалга оширилаётган кенг қўламли ислохотлар самараси учун масъул сиёсий кучмиз. Иқтисодий локомотиви бўлган тadbиркор ва фермерлар номидан майдонга чиқиб, аҳолининг барча қатламларини бирлаштирувчи сиёсий кучга айланиб бораётган O'zLiDeP учун президент сайловида муносиб номзодини илгари суриш – зимма-миздаги улкан масъулиятни бир неча баробар оширади.



Конференцияда “Шаҳсувор” МЧЖ директори Анвар Курбонов, Муборак спорти мактаби директори Раҳматилла Бегматов, “Чимён экспресс” МЧЖ раиси Нодира Бердиева ва бошқалар сўзга чиқиб, булажак сиёсий жараёнда янада юқори натижаларга эга бўлиш учун кураш ҳар қачонгидан ҳам қизғин бўлиши ҳозирдан аён бўлаётгани, шу боис сайловолди кампанияси даврида тарғибот ва ташвиқот ишларини самаралироқ ташкил этишда 77 та бошланғич ташкилот таркибидидаги 7 015 нафар партия аъзоларининг фаоллиги зарурлигини алоҳида таъкидлашди.

Йиғилиш сўнггида кун тартибидан ўрин олган масалалар юзасидан қарорлар қабул қилинди ва O'zLiDeP Қаشقарде вилоят партия ташкилотининг навбатдаги конференциясига делегатлар сайланди.

**Сайфулла ИКРОМОВ,  
“XXI asr” мухбири**



# ЮКСАК ДЕМОКРАТИК МЕЗОНЛАРГА ТАЯНАМИЗ

**Жорий йил 9 июлда мамлакатимизнинг келгуси тараққиёти қандай йўлдан бориши, қандай келажақ барпо этишимиз ҳал этиладиган ғоят муҳим сиёсий тадбир бўлиб ўтишидан юртдошларимиз яхши хабардор.**

Шу йил 15 май куни Марказий сайлов комиссиясининг мuddатидан илгари Ўзбекистон Республикаси Президенти сайловига бағишланган навбатдаги мажлисида партияимизга мазкур сайловда иштирок этиш учун ижозат берилди ва тегишли қарорлар қабул қилинди. Мажлис доирасида, Тадбиркорлар ва ишбилармонлар ҳаракати – Ўзбекистон Либерал-демократик партиясининг ваколатли вакилига сайловда иштирок этишга ижозат берилгани тўғрисидаги гувоҳнома ҳамда белгиланган намунадаги имзо варақалари бланкалари топширилди.

Айни кунларда эса сайловга тайёргарлик ишлари бутун мамлакатимиз бўйлаб жадал давом этмоқда. Хусусан, жойлардаги фаолларимиз партия XI съездида делегатлар сайлаш масалаларини қизгин муҳокама қилишяпти. Партияимиз Сиёсий Кенгаши Ижроия қўмитаси қарорига мувофиқ дастлаб ҳудудларда бошланғич партия ташкилотларининг умумий йиғилишлари бўлиб ўтди.

Айни пайтда 1 миллион 300 мингдан зиёд аъзони бирлаштирган О'zLiDePнинг салкам 14 мингдан ортиқ бошланғич партия ташкилотларида мuddатидан илгари Президент сайловини уюшқоқлик билан ўтказиш ҳамда уларда туман (шаҳар) конференцияларига делегатлар сайлаш масалаларига бағишланган умумий йиғилишлар ўтказилди.

Партиянинг жойлардаги фаоллари орасидан сайланган делегатлар иштирокида 24-26 май кунлари вилоят конференцияларини самарали ташкил этиш режалаштирилган.

Маълумки, амалдаги қондага мувофиқ, сайловда иштирок этишга ижозат берилган сиёсий партия Ўзбекистон Республикаси

си Президентлигига кўрсатилган номзодни қўллаб-қувватлаб, Ўзбекистон Республикаси жами сайловчилари умумий сонининг камида бир фоизининг имзосини тўплаши керак. Бунда битта маъмурий-ҳудудий тузилмада, яъни Қорақалпоғистон Республикаси, вилоят, Тошкент шаҳрида, сиёсий партия тегишинча имзолар умумий сонининг кўли билан саккиз фоизини тўплаши мумкин.

Шу боис ўтган ҳафтада партиянинг бошланғич ташкилотларида, фуқароларнинг иш, хизмат, ўқиш, яшаш жойида, ташвиқот юриши ва имзо тўплаш қонун билан тақиқланмаган бошқа жойларда партияимиздан президентликка кўрсатилаётган номзодни қўллаб-қувватловчи имзоларни тўплаш тадбирларини уюшқоқлик билан ташкил қилишга киришилди.

Ҳудудий партия ташкилотлари қошида ташкил этилган ишчи гуруҳлар имзо тўплаш ишларига ташкилий, ҳуқуқий ва бошқа жиҳатдан кўмаклашмоқдалар. Айни пайтда партияимизга хайрихоҳ инсонлар ҳам кўнгилли равишда имзо тўплашнинг юқори савияда ўтказилишига чин кўнгилдан ёрдам беришяпти.

Ушбу муҳим жараёнга масъул партияимиз фаоллари имзо тўплаш тадбирлари юртдошларимизнинг мамлакатимиз истиқболига дахлдор жараёнларга бефарқ эмаслиги, шунингдек, партияимиз нуфузи тобора ошаётганини кўрсатаётганини алоҳида қайд этмоқдалар.

Ўрни келганда айтиш зарурки, тараққиётнинг мутлақо янги босқичига қадам қўйган юртимиз тўғрисида "Бугунги Ўзбекистон – кечаги Ўзбекистон эмас" деган иборага ҳамоҳанг кўп миллатли халқимизнинг ҳам сиёсий тафаккури, ижтимоий фаоллиги, маданий савияси 6-7 йил аввалгига қараганда анча юксалган, юксалмоқда. Аҳолининг барча қатламлари вакиллари ўз ихтиёри билан, кўтаринки кайфиятда, энг муҳими, зиммаларидаги бурч ва масъулиятни чуқур англаган ҳолда номзоднинг сайловда иштирок этиши-



**Бахтиёр ЯКУБОВ,**  
О'zLiDeP Сиёсий Кенгаши  
Ижроия қўмитаси раисининг  
ўринбосари

га хайрихоҳлик билдираётганида ҳам кўриш мумкин буни.

Шунингдек, имзо йиғиш тадбирларида партияимиз тадбиркор ва ишбилармонларнинг ҳуқуқ, манфаатларини ҳимоя қилиб майдонга чиқаётгани, мамлакатимизда кечаётган мислсиз ислохотлар натижасида ижтимоий, сиёсий, иқтисодий соҳаларда эришилаётган тарихий ютуқлар, аҳоли ҳаётида кечаётган ўзгариш ва янгиликларни сайловчилар алоҳида эътироф этаётгани ҳам қувонарли, албатта.

Имзо тўплаш якунланганидан сўнг партия Сиёсий Кенгаши Ижроия қўмитасида ҳудудий партия ташкилотларидан имзо варақаларини қабул қилиш бўйича махсус ишчи гуруҳ тузилади. Сўнгра сиёсий кўннинг ваколатли вакили Қорақалпоғистон Республикаси, ҳар бир вилоят ва Тошкент шаҳри бўйича алоҳида алоҳида қилиб тикилган имзо варақаларини Марказий сайлов комиссиясига топширади. МСК тақдим этилган ҳужжатларни тўлиқ текшириб чиқади ва уларнинг қонун талабларига мувофиқлиги тўғрисида ҳулоса беради.

Ана шуларни инобатга олган ҳолда партиянинг Қорақалпоғистон Республикаси, вилоятлар ва Тошкент шаҳар кенгашларига имзо варақаларини ўрнатилган тартибда, белгиланган мuddатларда, хатоликларга йўл қўймаган ҳолда талаб даражасида тўлдириш ва Ижроия қўмитасига топшириш юзасидан тегишли вазифалар белгилаб берилган.

Ҳулоса ўрнида айтганидан бўлсак, жаҳон ҳамжамиятининг эътиборида бўладиган мазкур сайловнинг юксак демократик қоидалар асосида ўтиши йўлидаги вазифаларни амалга оширишда ҳамжиҳатликда давом этамиз.

# ХАЛҚЧИЛ ИСЛОХОТЛАР

## ХАЛҚҚА ХИЗМАТ ҚИЛАДИ

**Шу кунларда мамлакатимизда катта сиёсий тадбир – мuddатидан илгари Ўзбекистон Республикаси Президенти сайловига қизгин тайёргарлик кўрилмақда.**

Маълумки, сиёсий жараёнларнинг де-бачаси – ҳар гал куйи бўғиндан, яъни бошланғич партия ташкилотларидан бошланади. О'zLiDeP Сиёсий Кенгаши Ижроия қўмитаси қарорига мувофиқ дастлаб ҳудудларда БПТларнинг умумий йиғилишлари бўлиб ўтди.

Ўз сафида қарийб 102 мингдан зиёд аъзолари бирлаштирган О'zLiDeP Жиззах вилоят кенгаши таркибиде 990 та бошланғич партия ташкилоти мавжуд. Бугунги таянч тузилмалар жойларда аҳолининг қувончу ташвишларига шерик бўлиб яшаётган, уларнинг муаммоларини партиявий воситалар билан бартараф этишда депутатларга энг яқин камарбаста бўлган маслақдошларимиз ҳисобланади.

Сўнгги йилларда партия сафига кириш истагидаги ёшларнинг кўпайгани, жамиятда демократик тамойилни устуворлиги ошиб бораётгани куйи бўғин аъзоларининг барча жабҳаларда фаоллигида ҳам яққол сезилиб турибди.

Вилоятдаги барча бошланғич партия ташкилотларида бўлажак президентлик сайловини уюшқоқлик билан ўтказиш ҳамда уларда туман (шаҳар) конференцияларига делегатлар сайлаш масалаларига бағишланган умумий йиғилишлар ўтказилди. Энг муносиб номзодлар партиянинг юқори органларига вакил этиб сайланди.

Мазкур конференцияларда иштирок этаётган сенаторларимиз, депутат ва партия фаоллари сайловда фаол иштирок этиш ҳамда туман (шаҳар) партия ташкилотидан вилоят конференциясига делегатлар сайлаш масаласини муҳокама қилиш билан бир қаторда мамлакатимиз ҳаётидаги муҳим сиёсий жараёнга пухта тайёргарлик кўриш, партия ғояларини аҳоли орасида кенгроқ тарғиб қилиш, сайловга оид барча тарғибот-ташвиқот тадбирларини сама-



**Шерзод МАМАТҚУЛОВ**  
О'zLiDeP Жиззах вилоят  
кенгаши аппарат раҳбари

рали ташкил этиш борасида вазифаларни белгилаб олмақдалар.

Ошқора мулоқот руҳида ўтаётган анжуман иштирокчилари сўнгги йилларда мамлакатимизда барча соҳаларда улкан ислохотлар амалга оширилганига алоҳида урғу беришмоқда. Хусусан, тадбиркорлик фаолиятини замонавий бозор муносабатлари талабларидан келиб чиқиб янада эркинлаштириш бўйича кенг кўламли ишлар бажарилгани, турли текширувларга мораторий жорий қилингани, лицензиялаш ва рухсат бериш тартиб-таомиллари тубдан соддалаштирилгани, давлат иштирокидаги корхоналарни хусусийлаштириш, рақобатни қўллаб-қувватлаш орқали давлатнинг иқтисодийга аралашуви чеклангани алоҳида таъкидлаб ўтилмоқда.

Бўлиб ўтаётган имзо тўплаш жараёни, БПТларнинг умумий йиғилишлари, партия туман ва шаҳар кенгашлари конференциялари Тадбиркорлар ва ишбилармонлар ҳаракати – Ўзбекистон Либерал-демократик партияси бугун юртимизда олиб борилаётган халқчил ва ҳаётий ислохотларнинг муваффақиятли бориши учун масъулиятни ўз зиммасига олган сиёсий куч эканини яна бир бор намоён қилмоқда.

# ҲУДУДИЙ КОНФЕРЕНЦИЯЛАР

## УЛКАН СИЁСИЙ ЖАРАЁН УЧУН ПОЙДЕВОР ВАЗИФАСИНИ ЎТАЙДИ

**Шу кунларда Ўзбекистон Либерал-демократик партияси ўзининг сайловолди муҳим тадбирлардан бири ҳисобланган ҳудудий конференцияларини ўтказмоқда.**

**Эътиборлиси, О'zLiDePнинг фаоллари бўлажак Президент сайлови мамлакатимиз ҳаётида энг муҳим сиёсий воқелик эканини инобатга олган ҳолда ушбу тадбирларни уюшқоқлик билан юқори даражада ўтказишда фаоллик кўрсатишмоқда.**

**Айни пайтда ўз сафиде қарийб 1 миллион 300 нафардан зиёд аъзони бирлаштирган Ўзбекистон Либерал-демократик партиясида салкам 14 мингдан ортиқ бошланғич партия ташкилоти мавжуд бўлиб, ҳозирда ушбу таянч бўғинларнинг барчасида сайловни уюшқоқлик билан ўтказиш ҳамда туман (шаҳар) конференцияларига делегатлар сайлаш масалаларига бағишланган умумий йиғилишлар ўтказилди. Партия фаоллари орасидан сайланган делегатлар ҳудудий кенгашлардаги туман (шаҳар) ташкилотларининг конференцияларида иштирок этишяпти.**

**Конференциялар иштирокчилари партиянинг XI съездида делегатларни сайлаш масалаларини қизгин муҳокама этмоқда.**

### БУХОРО

#### ЭРТАНГИ КУН КАФОЛАТИ

Ана шундай тадбирлардан бири – О'zLiDeP Когон туман кенгаши конференциясида масъуллар, маҳаллий кенгаш депутатлари, делегатлар, ҳамкор ташкилот вакиллари иштирок этди.

О'zLiDeP туман кенгаши раиси О. Очилдиева, аппарат раҳбари Ш. Бўронов, маҳаллий кенгаш депутати М. Шарипова, меҳнат фахрийси Ж. Кўшияев, БПТ етакчиси Ж. Қучиев ва бошқалар жорий йилнинг Ватанимиз ва халқимиз ҳаётида мuddатидан илгари ўтказиладиган Президент сайлови жаҳон ҳамжамияти алоҳида аҳамият қаратадиган навбатдаги муҳим сиёсий тадбир сифатида тарихимизга ёрқин саҳифа бўлиб муҳрланишини таъкидлашди. Юртдошларимиз ана шу ҳаётий ҳақиқатни англаб етган ҳолда ўз фаровонликлари, фарзандлари бахти саодати учун муносиб номзодга овоз бериш билан ўз келажақларини белгилашларини қайд этишди.



– Бугунги конференциянинг аҳамияти шундаки, биз муҳим сиёсий жараён олдидан бажарилган лозим бўлган бир қатор вазифаларни белгилаб олиш билан бирга, янгича тизимда ишлашга келиши олдидан, – дейди кенгаш раиси Олия Очилдиева. – Зеро, ушбу масъулиятли жараёнга пухта тайёргарлик, фаоллар ҳамда маҳаллий кенгаш депутатлари билан ҳамкорликда партияимизнинг муносиб иштирокини таъминлашимиз зарур.

Йиғилишда муҳокама этилган масалалар бўйича тегишли қарор қабул қилиниб, вилоят ташкилотининг конференциясига делегатлар сайланди.

### САМАРҚАНД

#### НАМУНАЛИ ДЕЛЕГАТЛАР САРАЛАНДИ

О'zLiDeP Самарқанд шаҳар кенгашининг навбатдаги конференциясида партиянинг барча куйи бўғинларидан сайланган делегатлар қатнашди.

Айни пайтда ўз сафиде 12 800 дан зиёд аъзони бирлаштирган кенгашда қарийб 154 та бошланғич ташкилот мавжуд. Ҳозирда ушбу таянч бўғинларининг барчасида бўлажак президент сайловини уюшқоқлик билан ўтказиш ҳамда шаҳар конференциясига делегатлар сайлаш масалаларига бағишланган умумий йиғилишлар ўтказилди.

Ўзга чиққанлар юртимизда барча соҳаларда улкан ислохотлар амалга оширилаётганига алоҳида урғу беришди. Биргина тадбиркорлик фаолиятини замонавий бозор муносабатлари талабларидан келиб чиқиб янада эркинлаштириш бўйича қатор ишлар бажарилгани, лицензиялаш ва рухсат бериш тартиб-таомиллари тубдан соддалаштирилгани, давлат иштирокидаги корхоналарни хусусийлаштириш, рақобатни қўллаб-қувватлаш орқали давлатнинг иқтисодийга аралашуви чекланганини таъкидлашди.

Шу билан бирга, қулай инвестициявий ва ишбилармонлик муҳити яратилгани, натижада Ўзбекистонда тадбиркорлар сони қарийб 2 миллионга етгани, ушбу субъектларда иш билан банд бўлганлар сони ҳам бир неча баробарга ошгани айтилди.

Қизгин баҳс-мунозараларга бой тарзда бўлиб ўтган конференцияда вилоят партия ташкилоти конференциясига делегатлар сайланди.

### АНДИЖОН

#### МУНОСИБЛАРДАН ИККИ НАФАРИ...

О'zLiDeP Пахтаобод туман кенгаши таркибиде 59 та бошланғич партия ташкилоти фаолият олиб боради. Улар ўз сафига 6 602 нафар аъзони бирлаштирган.

Кенгашининг навбатдаги конференциясида президент сайлови жараёнида сиёсий куч таркибидеги ташкилотларининг тўлақонли ва самарали иштирокини таъминлаш масаласи кенг муҳокама қилинди. Тарғибот тадбирларида куйи бўғинда жишлашган ҳар бир аъзонинг ўз муносиб ҳиссаси бўлиши лозимлиги қайд этилди.

Шу кун партия вилоят конференциясида иштирок этадиган энг муносиб икки нафар номзод делегатликка сайланди.



### КАШҚАДАРЁ

#### ДЕПУТАТЛАР ГУРУҲИ ЖОНЛАНИШИ ШАРТ!

О'zLiDeP Қарши шаҳар кенгашининг конференциясида вилоят кенгаши раиси ўринбосари Арзикўл Шеров, депутатлар – Тўлқин Расулов, Ғайрат Асадов, Фахрийлар кенгаши раиси Илҳом Уринов ва бошқалар сўзга чиқди. Улар кенгаш фаолиятини янада жонлантириш, шаҳарда кичик бизнес ва хусусий тадбиркорликни ривожлантириш, депутатлар гуруҳи ишини янада жонлантириш орқали уларнинг сиёсий жараёнда етакчилигини ошириш ва энг юқори натижалар учун курашиш зарурлигини таъкидлашди.



– О'zLiDeP Қарши шаҳар кенгаши томонидан сайловолди кампанияси даврида тарғибот ва ташвиқот ишларини янада самаралироқ ташкил этиш учун 108 та бошланғич ташкилотда президентлик сайловини намунали ўтказиш ҳамда шаҳар конференциясига делегатлар сайлаш масалаларига бағишланган умумий йиғилишлар ўтказилди, – деди депутат Тўлқин Расулов. – Сиёсий жараёнда кенгаш таркибидеги 80 367 нафар партия аъзоларининг фаоллигини таъминлашимиз зарур. Эндиликда барча мулк эгалларининг тенг ҳуқуқлилиги, ишбилармонлар қонунчилиқка мувофиқ ҳар қандай фаолиятни мустақил танлаши ва амалга оширишга ҳақлилиги, уларга қулай шартнош яратилиш мақсадида муҳим қонунлар, давлатимиз раҳбарининг қатор фармон ва қарорлари қабул қилинганни кенгроқ тушунтиришимиз керак.

Йиғилиш сўнгиде кун тартибидан ўрин олган масалалар юзасидан қарорлар қабул қилинди ва О'zLiDeP Қашқадарё вилоят партия кенгашининг навбатдаги конференциясига делегатлар сайланди.

### СУРХОНДАРЁ

#### МУВАФФАҚИЯТ – МАЖБУРИЯТНИ АНГЛАШДА

О'zLiDePнинг жойлардаги фаоллари партиянинг XI съездида делегатларни сайлаш масалаларини қизгин муҳокама этмоқда.

Партия Сурхондарё вилоят кенгаши конференциясида ҳам шу масала кўрилди. Нотиқлар эътироф этганидек, юртимизда яратилган қулай инвестициявий ва ишбилармонлик муҳити натижасида тадбиркорлар сони қарийб 2 миллионга етди. Ушбу субъектларда банд бўлганлар сони бир неча баробарга ошди. Хусусан, Сурхондарё вилоятда ҳам ишлаб чиқариш, саноат корхоналари кўпайиб, тадбиркорлар сафи кенгайди.

Ўз навбатида тадбиркорлар ва ишбилармонлар ҳаракати – Ўзбекистон Либерал-демократик партияси бугун юртимизда олиб борилаётган бу каби халқчил ва ҳаётий ислохотларнинг муваффақиятли бориши учун масъулиятни ўз зиммасига олган сиёсий куч экани қайд этилди.

Конференция сўнгиде партиянинг XI съездида Сурхондарё вилоятдан қатнашувчи делегатлар сайланди.

Нурхон ЭЛМИРЗАЕВА,  
"XXI asr" мухбири



## ТАЛАБЛАРГА МОС ВА ХОС

## ҚАШҚАДАРЁ

O'zLiDeP Қашқадарё вилоят кенгаши томонидан туман ва шаҳарларда Ўзбекистон Республикаси Президентлигига O'zLiDePдан курсатилаётган номзодни қўллаб-қувватлаш борасида сайловчилар имзосини тўплаш ишлари белгиланган талабларга мувофиқ равишда самарали тарзда ташкил этилаётди.

Мазкур тадбирни юксак уюшқоқлик билан ўтказиш учун депутатлар ва бошланғич партия ташкилотлари, фаоллар имкониятларидан самарали фойдаланилди. Имзо тўплаш жараёнини ҳар жиҳатдан мукамал ўтказиш учун 1 112 та кўйи бўғинда ҳисобда турган 102 425 партия аъзоси томонидан сайловчиларга имзо варақаларини тўғри тўлдириш тартиб-тамоиллари батафсил тушунтирилди. Сиёсий таълим маркази кўмағида имзоларни тўплашда иштирок этаётган шахслар билан зарур машғулотлар ўтказилди.

– Имзоларни ўз вақтида тўплаш

бугунги долзарб вазифамиз, – дейди O'zLiDeP вилоят кенгаши бўлим мудири Шаҳзод Орипов. – Бу муҳим сиёсий жараёнда аҳолининг катта қизиқиши билан иштирок этаётгани уларнинг мамлакатимиздаги барча соҳаларда бўлаётган ўзгариш ва амалга оширилаётган улкан ислохотларга дахлдор эканликларининг яққол намунаси.

Очиқ осмон остида, идора ва ташкилотларда, корхона ва кластерларда ташкил этилаётган ташвиқот ва имзо йиғиш тадбирларида бугун O'zLiDeP тадбиркор ва ишбилармонларнинг ҳуқуқлари, манфаатларини ҳимоя қилиб майдонга чиқаётгани, ижтимоий, сиёсий, иқтисодий соҳаларда эришилаётган тарихий ютуқлар, аҳоли ҳаётида кечаётган ўзгариш ва янгиланишлар сайловчилар томонидан алоҳида эътироф этилди.

– O'zLiDeP ғоялари, дастурлари билан яхши танишман, – дейди



“Шўртан газ кимё мажмуаси” ишчиси Абдулла Худойбергенов. – Ташаббускор партияимиз кўп йилларки, ўз амалий ишлари билан халқимиз ишончини оқлаб келмоқда. Ёшлар бандлигини таъминлаш, иқтидорларини намён этишлари, тадбиркорликка йўналтириш, пировардида инсон қадрини юксалтириш бораси-

даги янгиланишларни кўриб, билиб турибмиз. Мен сайловда шу илоҳотларнинг ташаббускори бўлган тадбиркорлар партияси номзодини қўллаб-қувватлаб имзо қўйдим.

Сайфулла ИКРОМОВ,  
“XXI asr” мухбири

ҲАМ МАСЪУЛИЯТ,  
ҲАМ ШАРАФ

## САМАРҚАНД

Самарқанд шаҳридаги маҳаллалар, таълим муассасалари, очик майдонларда ўтказилган имзо йиғиш тадбирларида партия етакчилари ва фаоллар иштирок этиб, сайловчиларга тушунча берди.

Шундан сўнг партия бошланғич ташкилотлари аъзолари, O'zLiDeP дастурий ғояларини қўллаб-қувватлаган хайрихоҳлар имзо варақаларини тўлдириди.

Таъкидлаш жоизки, бугунги кунда вилоятимизда 2 миллиондан ортик сайловчи мавжуд бўлиб, уларнинг кўпчилигини 35 ёшгача бўлган ёшлар ташкил этади. Ўз сафида 119 мингдан зиёд маслақдошни бирлаштирган партия Самарқанд вилоят кенгашининг барча фаоллари ушбу сиёсий тадбирда фаоллик

кўрсатишпти.

– Имзо тўплаш амалдаги қонунларга мувофиқ ташкил этиляпти, – дейди O'zLiDeP Самарқанд вилоят кенгаши ташкилий-партиявий ва истиқболли кадрлар билан ишлаш бўлими мудири Жаҳонгир Хўжамқулов. – Бу жараёни ҳар жиҳатдан мукамал ўтказиш, имзо варақалари тўғри тўлдирилиши устидан назорат қилияпмиз. Мазкур тадбирларни уюшқоқлик билан ўтказиш учун шаҳар ва туман партия кенгашлари ҳамда бошланғич партия ташкилотлари имкониятларидан самарали фойдаланиляпти.

Насиба МҮММОНОВА,  
O'zLiDeP Самарқанд вилоят кенгаши бўлим мудири

## БИРДАМЛИК, ХАЙРИХОҲЛИК ИФОДАСИ

## ТОШКЕНТ ВИЛОЯТИ

O'zLiDePнинг Тошкент вилоятидаги ҳудудий ва маҳаллий кенгашлари ҳам сайловда тадбирларни амалга оширишда улкан масъулиятни ҳис этган ҳолда ёндашмоқда.

Хусусан, партиядан сайланган 221 нафар маҳаллий кенгашлар депутати ҳамда 1 014 та БПТдаги аъзоларимиз сайловчилар имзосини тўплаш ишларини юқори савияда ташкиллаштиришга яқдиллик ва катта шижоат билан киришган.

Аҳамиятлиси, сайловда тадбирларида, шунингдек, ташвиқот юритиш ва имзо тўплаш қонун билан тақиқланмаган жойларда амалга оширилаётган жараёнларда ёш қари бирдек хайрихоҳлик, ташаббускорлик билан кўтаринки руҳда иштирок этмоқда.

Имзо йиғиш билан боғлиқ барча тадбирлар қонунчиликда кўрсатилган меъёрларга қатъий риоя этилган ҳолда. Марказий сайлов комиссияси белгиланган ва партия Сиёсий Кенгаши тасдиқлаган иш режага мувофиқ ўтказилляпти.

Зухро МИРЗОҲАМДАМОВА,  
O'zLiDeP Тошкент вилоят кенгаши бўлим мудири

БАРЧАСИ  
ҚОНУНЛАРГА  
МУВОФИҚ

## СИРДАРЁ

Хабарингиз бор, Тадбиркорлар ва ишбилармонлар ҳаракати – Ўзбекистон Либерал-демократик партияси Президент сайловида иштирок этиш учун сайловчилар имзоларини тўплашга киришган эди. Мазкур жараён Сирдарё вилоятида ҳам юқори савияда, уюшқоқлик билан ўтказилмоқда.

Масалан, O'zLiDeP Гулистон шаҳар кенгашининг режасига асосан Республика шoshiлич тез тиббий ёрдам бирлашмаси ва Гулистон тиббиёт коллежида ушбу тадбирлар белгиланган талабларга мувофиқ равишда самарали ташкил этилди.

Дастлаб сайловчиларга имзо варақаларини тўлдириш тартиб-таомиллари аниқ-равшан тушунтирилди. Унда имзо йиғиш билан боғлиқ барча ишлар қонунчиликда белгиланган меъёрларга мувофиқ ўтказилишига алоҳида эътибор қаратилмоқда.

Айтиш ўринлики, ўзининг, яқинларининг, халқимизнинг эртанги кунига бефарқ бўлмаган, фуқаролик бурчи ва масъулиятини яхши англайдиган аҳоли вакиллари ўз ихтиёри билан фаоллик кўрсатишмоқда. Шунингдек, мазкур жараён мамлакатимизда том маънодаги ҳуқуқий демократик давлат ва эркин фуқаролик жамияти шаклланаётганидан далолат десак, муболаға бўлмайди.

O'zLiDeP Сирдарё вилоят кенгаши матбуот хизмати

## ҲАМЖИҲАТЛИК КЕРАК ДОИМ

## ЖИЗЗАХ

Айни пайтда O'zLiDePнинг вилоятдаги барча ҳудудий бўлими вакиллари, депутатлар, кўйи бўғинлар аъзолари, фаоллар иштирокида Ўзбекистон Республикаси Президентлигига O'zLiDePдан илгари сурилаётган номзодни қўллаб-қувватловчи имзоларни тўплаш жараёни уюшқоқлик билан ташкил қилиняпти.

Имзо тўплаш Жиззах шаҳридаги йирик корхона ва ташкилотларда ҳам олиб борилмоқда.

– Конституциямизда мустақамланган янгиллик ва ўзгаришлар тезроқ ҳаётимиздан ўрин олиши, Ватанимиз янада тараққий этиб, элимиз фаровон



яшашини истаيمان, – дейди имзо варақаларини тўлдирган ёшлардан бири Муқаддас Мамарасулова.

Кун давомида партия фаоллари шаҳардаги таълим муассасалари, аҳоли гавжум жойлар ва бошқа манзилларда очик осмон остида ташкил этилган имзо варақаларини тўплаш ишида юзлаб ҳамюртларимиз O'zLiDePдан кўрсатилган номзодни қўллаб-қувватлашларини билдириб, имзо варақаларини тўлдирдилар.

O'zLiDeP Жиззах вилоят кенгаши матбуот хизмати

Натижага яраша  
самара бўлади

O'zLiDeP Олмазор туман кенгашининг навбатдаги конференцияси бўлиб ўтди. Уни O'zLiDeP Тошкент шаҳар кенгаши раиси ўринбосари Ифтихор Зиёев кириш сўзи билан очди.

Йиғилишда юртимизда “Инсон қадри учун” тамойили асосидаги ислохотлар натижаси тўғрисида сўз борди. Жорий йилнинг 9 июль кунини муддатидан илгари ўтадиган Ўзбекистон Республикаси Президентини сайлови жараёнида партиянинг тўлақонли ва самарали иштирокини таъминлаш масаласи кенг муҳокама қилинди. Шу билан бирга, партия Тошкент шаҳар кенгаши конференциясига делегатлар сайланди.

O'zLiDeP Тошкент шаҳар кенгаши матбуот хизмати

Адибга  
эҳтиром

Ўзбекистон Республикаси Фанлар академияси Ўзбек тили, адабиёти ва фольклори институтида “Шўхрат ижодининг маънавий-маърифий аҳамияти” мавзусидаги республика илмий-назарий анжумани ўтказилди.

Унда “Шўхратнинг тилла соати”, “Матонатли шахс, серқирра истеъдод ва ҳақиқатга йўғрилган ижод”, “Покиза инсоний туйғуларнинг лиро-романтик талқини” каби қизиқарли ва таҳлилларга бой мавзулардаги маърузалар тингланди.

Толиб НАЖМИДДИНОВ,  
институт илмий ходими



ПРЕСС-ТУР

## САНОАТИМИЗ ИСТИҚБОЛИ ЙЎЛИДА

Тўрт йил аввал Янгийул шаҳрида ишга туширилган "Enter Steel" машинасозлик заводи фаолияти билан яқиндан танишиш учун бир гуруҳ оммавий ахборот воситалари вакиллари иштирокида пресс-тур ташкил этилди. Ушбу йирик корхона металл конструкциялар, кўприкли ва чорпоя кранлар, босим остида ишловчи идишлар ва аппаратлар ишлаб чиқаради. Ишлаб чиқариш қуввати йилга 25 минг тонна металл конструкцияларни тайёрлашга етади. Бугунги кунда бу ерда 750 нафар ходим меҳнат қилмоқда. Маҳсулотлар намуналарини яратиш устида эса Чирчиқ шаҳрида очилган алоҳида конструкторлик бюроси жамоаси ишлайди.

– Асосий мақсадимиз Ўзбекистоннинг нефт-газ саноати соҳаси учун маҳсулот ишлаб чиқаришни маҳаллийлаштириш ҳамда юртимизда металл конструкцияларга тобора ортиб бораётган эҳтиёжни қондиришдан иборат, – дейди корхонанинг ишлаб чиқариш бўйича директор ўринбосари Мирҳаёт Алматов. – Маҳсулотларимизнинг юқори сифати халқаро ASME, ISO, IQNet сертификатлари билан тасдиқланган. Сифат назорати заводнинг марказий лабораториясида, Ibertest (Испания)нинг физик-механик синовларни юқори

аниқликда ўтказилишини таъминловчи замонавий асбоб-ускуналари воситасида амалга оширилади. Ҳозирги кунда "Enter Steel Olmaliq" филиалида Олмалик кон-металлургия комбинатининг 3-мисни қайта ишлаш заводи (МОФ-3) курилиши учун зарур металл конструкциялар ишлаб чиқарилмоқда. Бухоро вилоятида янги "Enter Steel Qorako'" заводи бунёд этилмоқда. Корхонада айна пайта металл конструкциялар, босим остида ишловчи идишлар ва аппаратлар, кўприкли ва чорпоя кранларини ишлаб чиқариш, қончилик асбоб-ускуналарини таъмирлаш ва назорат қилиш, иссиқ гальванизация, бўяш ва қадоқлаш цехлари фаолият юритмоқда.

"Enter Solar Green Energy" заводи Ўзбекистонда бунёд этиладиган фотоэлектрик станцияларни керакли ускуналар билан таъминлаш ҳамда куёш энергетикасида фойдаланиладиган маҳсулотлар ишлаб чиқаришни маҳаллийлаштириш мақсадида янги ташкил этилган. Корхона икки ой олдин – мартда ишга туширилган эди. Бу ерда "Ecoprogetti" (Италия) автоматлаштирилган ишлаб чиқариш линияси фаолияти йўлга қўйилган бўлиб, PERC M10 типидagi икки томонлама монокристалл фотоэлектрик модуллар етказиб берилмоқда.

Бир сўз билан айтганда, бугун "Enter Steel" корхоналарининг қайси бирига борманг, иш жараёни қизғин давом этаётганига, маҳалли мутахассислар мамлакат саноати учун муҳим маҳсулотлар ишлаб чиқараётганига гувоҳ бўласиз.

МУХБИРИМИЗ



## Самарқанд шаҳридаги "LORD FRUITS"

масъулияти чекланган жамияти

*Ўзбекистонимизнинг ҳар бир ўғил-қизини, дилбандларимизни ажойиб байрам билан қутлаймиз.*

*Ўзиз болажонлар!*

*Сиз кўзимизнинг нури, қалбимиз сурurusи.*

*Бахтли болалигимиз завқ-шавққа тўлсин!*

*Байрамлар ярашадиган тинч ва соғда юртимизда*

*ҳам жисмонан, ҳам маънан соғлом бўлиб*

*ўзлайишимизга тилакдоғимиз.*



**TRUSTED BROKER**  
LIMITED LIABILITY COMPANY

*Безубор кулгиси, гулгун чехраси, ёниқ кўзлари билан*

*ҳаётимизга мазмун бағишлаб турган дилбандларимизни*

*Халқаро болаларни ҳимоя қилиш куни билан чин қалбдан табриқлаб, энг эзгу тилакларни йўллаймиз.*

*Пойтахтимизда фаолият кўрсатаётган*

## "TRUSTED BROKER"

масъулияти чекланган жамияти

*Болажонларимиз*

*келажакда Ватанимизнинг*

*фидойи ва жасур,*

*билимдон ва бахтли авлоди бўлиб*

*катта ҳаётга кириб боришида*

*қуч-қувват, мустаҳкам соғлиқ*

*тилаймиз.*



**EUROIMPEX**  
FREIGHT FORWARDING COMPANY

*Тошкент шаҳридаги*

## "EUROIMPEX TRANS"

масъулияти чекланган жамияти

*Ҳаётимиз давомчилари, келажакимиз эгалари бўлган барча кичкинтойларни*

*1 июнь – Халқаро болаларни ҳимоя қилиш куни*

*билан самимий муборакбод этади!*

*Чексиз меҳр-муҳаббат, улкан гамхўрликлар огушида вояга етиб, замонавий билим ва соҳаларни пухта эгаллаб, келгусида эл қорига ярайдиган инсонлар бўлиб етишинг, азиз болажонлар!*





Журналистика йўналишида тахсил олаётган ёшлар газета-журнал ўқимайдими? Улар босма нашрлардан мутлақо йироқдами? Баъзи "ўта замонавий" амалдорлар каби газеталарни "ўтмиш сарқити" деб биладими? Тахририятимизда Ўзбекистон давлат жаҳон тиллари университети медиа ва коммуникация факультетининг бир гуруҳ талабалари амалиёт ўташни бошлашга, юқоридаги саволларга ҳеч иккиланмасдан "Ўқ" деб жавоб бериш мумкинлигини ҳис қилмайдими.

Нони қаттиқ соҳанинг заҳматини англаш, сўз айтиши, сўз танлаш, сўз сайқаллаш маҳоратини айнан босма нашрлар орқали бошлашга қарор қилган, энгил-елли чиқишлар билан, қандай бўлмасин, тезда машҳур бўлишга интилайдиган талаба-журналистларнинг илк машқлари учун нашримизда бир майдон, минбар беришга қарор қилдик.

Йўл бошида турган ёш қаламкашларга келгуси фаолиятида омад ва зафарлар тилаймиз.

ТАХРИРИЯТ

БУГУННИНГ ГАПИ

## ЧЕТ ТИЛИ ФАҚАТ ИНГЛИЗ ТИЛИМИ?

Ҳозир хорижий тилларни ўқитишга ҳам, ўрганишга ҳам катта эътибор берилмоқда. Ҳар бир ота-она фарзандлари илми, маънавияти бўлиб вояга етишини хоҳлайди. "Биз кўрмаган кунни шулар кўрсин", дейди. Шу сабабли фарзандларига қўлдан келганча шароит яратиб беради. Турли тўғаракларга юборади.

Шундай йигит-қизларга, ота-оналарга "Ҳозир қайси тилни ўрганишга эҳтиёж катта?" деган савол билан мурожаат қилдик. Турли жавоблар олдик – инглиз, немис, француз, рус, корейс тиллари...

Худди шу савол билан давлат ва нодавлат ташкилотлари хизматчиларига мурожаат қилганимизда эса ҳар бир ходим, энг аввало, она тилини, яъни ўзбек тилини мукаммал билиши кераклигини таъкидлашганидан қувондик.

Ҳа, ўз она тилимизни мукаммал билмас эканмиз, бошқа тилларда бийронлигимиз билан мақтанмасак ҳам бўлаверади.

Дарвоқе, эътиборимизни тортган бир жиҳат: айрим ташкилотларда француз, испан, мўғул ва хитой тиллари-

Шаҳзод Тўраев,  
ЎзДЖТУ талабаси



да эркин гаплаша оладиган ходимлар йўқлиги, шундай кадрларга эҳтиёж борлиги таъкидланди.

Демак, ота-оналар, тил ўрганишга иштиқоманд тенгдошларимиз эътиборсиз деб қараладиган "иккинчи" тилларни ҳам пухта ўрганишса, ютқазмайди.



ТАНҚИД

## АВТОБУСЛАР ЯНГИЛАНЯПТИ, БЕКАТЛАР-ЧИ?

Мақолани ўқишдан аввал бекатнинг суратига назар солинг-а. Бир қараганда ҳаммаси рисоладагидек.

Аммо... Ёзининг жазирама кунларида ёки қаҳратоннинг қора совуқларида ёки қорли, ёмғирли об-ҳавода шу бекатда 15, 10, боринки, ана 5 дақиқа автобус, электробус кута олсангиз, ишонинг, сизга ҳайкал қўйиш керак. "Нега?" дейсизми? Гап ҳам шунда-да. Айни шундай бекатлар сизни на унисидан, на бунисидан пана қилолмайди. Қизиқ, шуларни ўрнаттирганларнинг (қурдирганларнинг дейишга тил бормади) ўзи ёки фарзандлари автобусда юрармикан, транспорт кутармикан? Менимча, йўқ. Шундай бўлганда, бошқачароқ манзарани кўрадиди бу масканларда.

Одатда йўловчилар узоқ манзилларга камроқ харажат билан боришни афзал кўрган учун ҳам қамоат транспортдан фойдаланади. Шундай пайтда иссиқ ёки аксинча, ёмғирда қолиб кетиши эҳтимолдан холи эмас. Айниқса, қиши айтинг. Бундай пайтларда ёш болалар ва қариялар ҳам азият чекиши ачинади.

Хабарингиз бор, жорий йил хориждан кўплай янги автобус ва электробуслар келтирилди. Жа-

моат транспорти ҳолати яхшиланмоқда. Ўтган йилларда замон талабига мос бекатлар ҳам қурилганини айтишимиз зарур. Эътибордан мамнунмиз. Аммо айни шу суратдаги каби бекатлар ўзгаришсиз қолган, қолмоқда.



Назаримда, бу бекатлар йўловчилар учун эмас, худдики, автобус ҳайдовчиларига "Шу ерга

Моҳира Ҳакимова,  
ЎзДЖТУ талабаси



ҳам бир тўхтаб ўтинглар. Ҳув ана, дарахт соясида турган, бекат ортида соялаётган кишиларни ҳам ола кетинглар", деган бир белги учунгина қўйилгандек...

Биз ҳали айрим бекатлардаги ўриндиқларнинг яроқсиз ҳолга келиб қолгани, чикинди қутиларининг аҳволи, йўловчилик маданияти... ҳақида гапирмадик.

Бугун аҳолини қийнаётган кўплай муаммоларга ечим топилолмади. Барча соҳаларда ўзгаришлар, янгиланишлар кузатиляпти. Энди... шугина бекатларни ҳам замонавийлаштириб, биринчи навбатда, йўловчига қулайлик яратишга ҳаракат қилинса, нур устига нур бўларди, жаноб мутасаддилар.

ТАРБИЯ

Сабина  
Омонуллаева,  
ЎзДЖТУ талабаси



## КЎРҚУВДАН КЎРҚМАНГ

Нимадир бўлди-ю, халқаро, сиёсий мавзуларда ҳам қалам теб-рата оламан, деган ишончимга дарз кетди. Қандайдир чўчиш, кўрқувни ҳис этдим. "Бу мавзуларда ёши қийин, масъулияти, жавобгарлиги бор", дейишгани учундир, эҳтимол.

Инсон руҳиятида безовталаниш, ҳадиксираш, ташвишлиниш кечинмаларининг юзага келиши бор гап. Биз уни кўрқув деб атаймиз. Бир ишни бажармоқчи бўлсак,

ички дунёимиздаги кўрқув, журъ-атсизлик кучлилик қилади: эплай оламанми, йўқми, деган чалқаш ҳаёллар, саволларга дуч келаверамиз.

Менда ҳам шундай бўлди чоғи. Аммо вақт ўтиб бир қарорга келдим. "Баъзан таваккал қилиш керак", деган жумланинг ўзи тумандай ҳаёлларимни тарқатиб юборди.

Сизга ҳам айтар сўзим: кўрқувдан кўрқманг, уриниб кўрмасдан орзуларингиздан воз кечманг.

МАДАНИЯТ ВА САҲЪАТ

# ТУРКСОЙ ТАШАББУСИ БИЛАН...

Туркий халқларнинг маънавий яқинлиги ва қардошлик ришталарини янада мустаҳкамлаш, қадим маданиятимизни дунёга кенг тарғиб этиш ва бу анъаналарни келажақ авлодларга етказишни мақсад қилган Халқаро ТУРКСОЙ ташкилоти шафелигида пойтахтимизда яна бир гўзал тадбирга старт берилди. Биламизки, бу ташкилот бундан 30 йил аввал Озарбойжон, Қозоғистон, Қирғизистон, Ўзбекистон, Туркменистон ва Туркия ўртасидаги келишив натижасида ташкил этилган эди. Кейинчалик унга бошқа давлатлар ҳам кузатувчи сифатида қўшилди.



Бир неча кундан бери қизғин давом этаётган I Халқаро "Турк дунёси" талабалар фестивали якуний босқичга кириб бормоқда. Дастлаб Ўзбекистон давлат санъат ва маданият институтида Маданият ва туризм ҳамда Олий таълим, фан ва инновациялар вазирликлари ҳамкорлигида очилган аjoyиб тадбирда қадим миллий ҷолғулар, фольклор ва этнография либослари ва кўғирчоқ маҳсулотлари кўргазмаси намойиш этилди.

Шунингдек, ушбу фестиваль дастури доирасида ТУРКСОЙ ташкилотининг бош котиби Султан Раев ҳамда Маданият ва

туризм вазири, Ўзбекистон халқ артисти Озодбек Назарбековга мамлакатимиздаги энг кекса ва нуфузли олий ўқув юрталаридан бири саналган Ўзбекистон давлат санъат ва маданият институтининг фахрий профессори унвонлари тантанали равишда топширилди.

– Бир пайтлар абитуриент бўлганимда ушбу даргоҳга кириб-чиқаётган талабаларга ҳавасим келган. Бугун кутилмаганда қачонлардир талабаси бўлганим олий таълим даргоҳи саҳнасида туриб, фахрий профессор унвонини қабул қилдим. Бу ҳар бир талаба кун келиб, юксак марраларга эришиши, раҳбар, вазир ва

яна бошқа мавқени эгаллаши мумкинлигини кўрсатади, – деди О. Назарбеков.

– Мамлакатимизда илк бора ўтказилаётган биринчи Халқаро "Турк дунёси" талабалар фестивали ҳаяжонли воқеаларга бой кечмоқда, – дейди Ўзбекистон давлат санъат ва маданият институти ректори вазифасини вақтинча бажарувчи Элдор Шерманов. – Негаки, бу анжуманда нафақат туркий давлатлар вакиллари, балки дунё миқёсида танилган маданият ва санъат намояндалари ҳам қатнашиб, ўзларининг бой тажрибалари билан ўртоқлашяпти. Бу эса келгусида ҳам давом этадиган ўзаро маданий ҳамкорликларимиз

учун ўзига хос синов вазифасини ўтади.

Фестивалнинг биринчи куни институт хузуридаги Эстрада ва оммавий томошалар санъати кафедраси профессори Темур Рашидов Озарбойжон халқ артисти Илҳам Асодов ва Варшава университети профессори Андрей Москвин билан биргаликда тадбир иштирокчиларига маҳорат дарси ўтишти. Шундан сўнг Туркия, Озарбойжон ва қирғизистонлик талабалар тайёрлаб келган спектакллар намойиш қилинди.

Фестиваль давом этмоқда.

МУХБИРИМИЗ

"АТБ "Қишлоқ қурилиш банк" Бошқаруви ва жамоаси банк Бошқаруви раисининг биринчи ўринбосари Фарҳод Ғафуровга падари бузруквори Мирзасул отанинг вафоти муносабати билан ҳамдардлик билдиради.

MUASSIS: TADBIRKORLAR VA ISHBILARMONLAR HARAKATI –  
O'ZBEKISTON LIBERAL-DEMOKRATIK PARTIYASI



Бош муҳаррир  
Норқобил ЖАЛИЛОВ

Тахрир ҳайъати:  
Ақтам ХАЙТОВ  
Дилшод ШОУМАРОВ  
Шухрат БАҒОЕВ  
Мавлуда ХУҶАЕВА

Сирожиiddин САЙИИД  
Адҳам ШОДМОНОВ  
Виктор ПАК  
Насимжон АЛИМОВ

Сардор МУСТАҒОЕВ  
(Бош муҳаррир ўринбосари)

Тахририят манзили:  
Тошкент шаҳри  
Нукус кўчаси 73А-уй.

электрон почта:  
xxi\_asr@mail.ru  
xxi\_asr@mail.ru

Телефонлар:  
қабулхона –  
71 215-63-80  
(тел./факс).

Обуна ва реклама бўлими –  
71 255-68-50.

"XXI asr" ижтимоий-сиёсий газетаси  
Ўзбекистон Матбуот ва ахборот  
агентлигида 2011 йил 14 июнда 0009-рақами билан  
рўйхатдан ўтказилган.

"Шарқ" нашриёт-матбаа акциядорлик  
компанияси босмаҳонасида чоп этилди.

Корхона манзили:  
Тошкент шаҳри Буюк Турон кўчаси 41-уй.

Газета офсет усулида, А-2 форматда  
босилди. Ҳажми – 3 босма табақ.  
Буюртма рақами: Г – 545  
Адади: 10108  
Баҳоси келишилган нархда.  
Топширилди – 21:30

Тахририятга келган кўлэмалар тақриз  
қилинмайди ва муаллифларга  
қайтарилмайди.

© "XXI asr" дан олинган маълумотларга манба  
сифатида газета номи кўрсатилиши шарт.

Муаллифлар фикри тахририят нуктаи  
назаридан фарқ қилиши мумкин.

Газета тахририят компьютер марказида  
терилди ҳамда дизайнёр

Маъруфжон Раҳмонов  
томонидан саҳифаланди.



НАШР КЎРСАТКИЧИ: 406  
123456

Навбатчи муҳаррир:  
Нурхон ЭЛИМИРЗАЕВА